

BIOGRAFIJE AUTORA

DŽINIĆ Amir, MA je osnovno obrazovanje i Opću gimnaziju – pedagoški smjer je završio u Zavidovićima. Diplomirao je na studijskoj grupi Historija i Turski jezik i književnost na Filozofskom fakultetu Univerziteta u Sarajevu 2008. godine. Magistrirao je na istom fakultetu na Odsjeku za historiju, oblast Novi vijek – naučni smjer; trenutno je doktorand na Univerzitetu “Džemal Bijedić” u Mostaru. Objavio je nekoliko naučnih radova iz oblasti osmanske Bosne sa fokusom na društvene, vojne i političke prilike u Bosanskom ejaletu.

Dr. sc. GLADANAC-PETROVIĆ Sanja je naučna saradnica Instituta za historiju Univerziteta u Sarajevu. Naučno se bavi istorijom Bosne i Hercegovine za vrijeme uprave Nezavisne Države Hrvatske, sa istraživačkim interesovanjem za njen školski sistem, položaj nepoželjnih skupina (Jevreji, Romi, Srbi), marginalnih grupa (nacionalne manjine, djeca, žene), te za analizu prikaza istorijskih tema u udžbenicima različitih školskih sistema koji su djelovali na području Bosne i Hercegovine. Učesnica je brojnih međunarodnih i domaćih naučnih konferencija i autorica više izvornih članaka objavljenih u naučnim časopisima, novinama i zbornicima radova. Bila je jedna od urednika V toma edicije “Historija Bosne i Hercegovina” (Sarajevo: Univerzitet u Sarajevu – Institut za historiju, 2023).

Prof. dr. sc. KASUMOVIĆ Amila rođena je 1980. godine u Sarajevu. Redovna je profesorica na Odsjeku za historiju Filozofskog fakulteta Univerziteta u Sarajevu. Autorica je tri znanstvene monografije i više izvornih znanstvenih studija objavljenih u referentnim bazama podataka. Predmet njenoga istraživačkoga interesovanja je ekonomska i pravna povijest habsburške Bosne, mikrohistorija te povijest marginalnih grupa.

Mr. KOVAČ Neven (rođen 1987. godine) završio je preddiplomski (2009.) i diplomski (2012.) studij povijesti na Filozofskom fakultetu Sveučilišta u Zagrebu. Istražuje povijest Roma od 2012. godine. Autor je osam znanstvenih

radova, nekoliko prikaza te dvaju enciklopedijskih članaka. Sudjelovao je na tri znanstvena projekta te izlagao na osam (većinom međunarodnih) znanstvenih skupova. Trenutačno je nezavisni istraživač.

LAEDERICH Stéphane je istraživao dijalekte različitih romskih skupina. Predavao je romsku povijest na Sveučilištu u Baselu (Švicarska) i postao stručnjak u području romskih studija. Od 1999. izvršni je direktor Roma Foundation Zürich, osnovane 1993. u Švicarskoj. Koautor je knjige “The Roma” (Schwabe, 2005) i brojnih drugih članaka i izvještaja o Romima. Njegova najnovija publikacija usredotočena je na jezik poljskih, litvanskih, latvijskih i ruskih Roma (Univerzitet u Grazu, 2022).

Dr. sc. OMEROVIĆ Enes S., doktor historijskih nauka, viši naučni saradnik za modernu historiju u Institutu za historiju Univerziteta u Sarajevu. Na Filozofskom fakultetu Univerziteta u Sarajevu diplomirao, magistrirao i doktorirao sa temama iz savremene bosanskohercegovačke historije. Polja istraživačkog interesovanja su političko nasilje, nacionalne manjine, marginalne skupine, ekološka historija, kulturna historija, lokalna historija, demografija. Do sada je objavio dvije autorske knjige, dvije knjige u koautorstvu, 40-ak članaka, poglavlja u knjigama, prikaza, eseja i drugih tekstova koji su objavljeni u naučnoj i stručnoj periodici u Bosni i Hercegovini, Hrvatskoj, Srbiji i Poljskoj, a bio je i urednik šeset knjiga i dva zbornika radova.

Dr. sc. SARAČ RUJANAC Dženita, historičarka, zaposlena kao viša naučna saradnica na Univerzitetu u Sarajevu-Institut za historiju. Na Odsjeku za historiju Filozofskog fakulteta u Sarajevu 2010. magistrirala, a u maju 2016. godine odbranila i doktorsku disertaciju. Područje njenog naučnog interesiranja jeste bosanskohercegovačka i jugoslavenska povijest 1945–1990, tj. politički, ekonomski i kulturni razvoj Bosne i Hercegovine tokom druge polovine XX stoljeća. Objavila je tri knjige: “Odnos vjerskog i nacionalnog u identitetu Bošnjaka od 1980. do 1990. godine” (Sarajevo: Institut za istoriju, 2012), Branko Mikulić. “Politička biografija 1965-1989” (Sarajevo: Univerzitet u

Sarajevu-Institut za historiju, 2020) i “Izgradnja u vrijeme obnove. Hidrocentrala u Bogatićima na rijeci Željeznici od općinskog trgovačkog preduzeća do objekta opštredržavnog značaja” (Sarajevo: Univerzitet u Sarajevu – Institut za historiju, 2024) kao i pedesetak naučnih radova i prikaza. Bila je urednica VI toma edicije “Historija Bosne i Hercegovina” (Sarajevo: Univerzitet u Sarajevu – Institut za historiju, 2023) i glavna i odgovorna urednica časopisa “Historijska traganja” (br. 19, 20, 21. i 22).

SIMON Paula doktorandica je na Heidelberg Centre for Transcultural Studies Sveučilišta u Heidelbergu, gdje radi na svojoj disertaciji o povijesti Roma i antiromskog rasizma (anticiganizma) u međuratnoj Jugoslaviji te tijekom Drugog svjetskog rata. Također piše za Enciklopediju genocida nad europskim Sintima i Romima. Njezina istraživanja obuhvaćaju povijesno proučavanje antiromskog rasizma, povijest manjina u međuratnoj Jugoslaviji te analizu genocida nad Romima.

Dr. sc. TAHIROVIĆ-SIJERČIĆ Hedina je nezavisna istraživačica, književnica i prevoditeljica romskog porijekla u čijem su fokusu djelovanja romski jezik, kultura, tradicija, prevođenje i književnost Roma. Autorica je brojnih akademskih radova, knjiga poezije i proze na romskom, bosanskom i engleskom jeziku među kojim se izdvaja monografija “Language and Literature of Roma within Translation in the Western Balkans: Poetry in Self-translation” (2019), knjige “Romani čhib: Posebni osvrti na jezik i kulturu Roma” (2019) i “Rodni identiteti u književnosti autorica Romkinja u bivšoj Jugoslaviji” (2016). Autorica je prvog bosansko-romskog/romsko-bosanskog rječnika (2010), gurbetsko-engleskog/englesko-gurbetskog rječnika (2011/2013) i romsko-crnogorskog/ crnogorsko-romskog rječnika (2023). Urednica je zbirki priča “*Rade Uhlak – Rromane paramiča/ Romske priče / zbirka I, zbirka II, zbirka III, zbirka IV*” (2020, 2021, 2022, 2023) i autorica “*Angluno rromano lil/ Romska početnica*” (2023). Idejni je tvorac i pokretač programa “Romologija” (2022) pri Institutu za strane jezike Podgorica u Crnoj Gori zajedno sa prof. dr. Igorom Lakićem.

Dr. sc. VOJAK Danijel od 2008. radio je kao znanstveni suradnik u Institutu društvenih znanosti Ivo Pilar, Zagreb, gdje trenutno radi na radnom mjestu znanstveni savjetnik. Doktorirao je povijesne znanosti (2011.) na Filozofskom fakultetu u Zagrebu, gdje je na istom području magistrirao (2006.) i diplomirao (2003.). Teme njegovog diplomskog rada, a magistarskog rada i doktorskog rada je o povijesti romskog stanovništva na hrvatskim područjima. Od 2005. do 2007. radio je u zagrebačkom izdavačko-grafičkom poduzeću Ibis grafika, a nakon toga radio je u Odjelu za medije Hrvatskoga helsinškog odbora (2007.). Član je više strukovnih udruga, a od 2023. član je hrvatske delegacije Međunarodnog saveza za sjećanje na Holokaust. Fokus njegova istraživanja je povijest Roma na hrvatskim područjima i to posebice u 20. stoljeću. Suradivao je na više domaćih i međunarodnih znanstvenih projekata vezanih uz povijest Roma. Autor je više izložbenih postava na temu povijesti Roma u Drugom svjetskom ratu. Sudjelovao je na stotinjak međunarodnih i domaćih znanstvenih skupova, pritom je sudjelovao kao organizator dio njih u Hrvatskoj i izvan nje. Uz povijest Roma istražuje lokalnu povijest sjeverozapadne Hrvatske.

Dr. sc. YOUNIS, Hana naučna je savjetnica u Institutu za historiju Univerziteta u Sarajevu. Autorica je više monografija, preko 40 izvornih naučnih radova na bosanskom, arapskom i engleskom jeziku. Bila je urednica prve sinteze "Historija Bosne i Hercegovine" tom III, osmanski period i tom IV austrougarski period, kao i više monografija te časopisa "Prilozi" Instituta za historiju, Član je više radakcija domaćih i inostranih časopisa. U dosadašnjim istraživanjima fokusirala se na društvene promjene te socijalna kretanja unutar bosanskog društva krajem 19. i početkom 20. stoljeća sa posebnim fokusom na položaj žena i "običnih ljudi" te na njihov svakodnevni život.